



MARRËVESHJE

PËR

BASHKËPUNIMIN NË FUSHËN E ARSIMIT TË LARTË DHE KËRKIMIT

SHKENCOR

NDËRMJET

UNIVERSITETIT “KADRI ZEKA”, GJILAN

DHE

UNIVERSITETIT TË ELBASANIT “ALEKSANDËR XHUVANI”

Universiteti “Kadri Zeka”, i përfaqësuar nga Rektor Prof. Asoc. Dr. Bajram KOSUMI, Gjilan, dhe Universiteti i Elbasanit “Aleksandër Xhuvani”, i përfaqësuar nga Rektor Prof. Dr. Skënder TOPI, pajtohen të bashkëpunojnë për nxitjen e shkëmbimit të shumanshëm në funksion të zhvillimit institucional.

Me vullnet të mirë palët u pajtuan si në vijim:

Neni 1 Qëllimi i Marrëveshjes:

Qëllimi i kësaj Marrëveshje të Bashkëpunimit është përcaktimi fushave dhe mënyrave të bashkëpunimit në mes të dy institacioneve të sipershënuara.

Të dyja këto institucione do të kenë qëllim të përbashkët identifikimin e iniciativave për promovimin dhe mbështetjen profesionale në zhvillimin e gjithmbarshëm socio-ekonomik të rajonit ekonomik-Lindje të Kosovës.

Rekomandimet dhe ekspertiza profesionale janë të nevojshme veçmas në: idetë, projektet lokale dhe ndërkontrollore, pilot -projektet dhe programet e caktuara që kanë segmente të rëndësishme të angazhimit me këtë marrëveshje.

Neni 2 **Forma e Bashkëpunimit**

Bashkëpunimi ndërmjet dy Universiteteve do të përfshijë:

- a. Shkëmbimin e personelit akademik për procesin mësimor;
- b. Shkëmbimin e pedagogëve, të kërkuesve dhe të studentëve në kuadrin e veprimtarisë kërkimore shkencore;
- c. Nxitjen, mbështetjen dhe realizimin e projekteve të përbashkëta kërkimore dhe formuese;
- d. Nxitjen, mbështetjen dhe realizimin e veprimtarive të tjera shkencore (konferenca, seminare e botime në fusha me interes të dyanshëm);
- e. Shkëmbimin e literaturës shkencore;
- f. Shkëmbimin e përvojës lidhur me menaxhimin institucional;
- g. Institucionalizohet bashkëpunimi reciprok dhe i ndërsjellë në sferën e ofrimit të ndihmës për ngritjen e kapaciteteve të studentëve të këtyre universitetave;
- h. Bashkëpunojnë në organizimin e aktiviteteve dhe/ose projekteve lokale dhe ndërkontrollore me interes të përbashkët;
- i. Shkëmbimi i eksperiencave, praktikave dhe ekspertëve;
- j. Zhvillimi i programeve hulumtuese, projekteve kërkimore-shkencore, dhe projekte të tjera të cilat janë me interes të të dy institucioneve;
- k. Organizimi i konferencave, trajnimeve, seminareve dhe bashkëpunime të tjera profesionale;

Neni 3 **Financat**

Të dy Universitetet bien dakord që realizimi i veprimtarive të mësipërme të kryhet në varësi të burimeve dhe potencialit të disponueshëm nga secili institucion. Për detajimin e bashkëpunimit në fushat e mësipërme (1/a-f) dhe ndjekjen e zbatimit të Marrëveshjes, realizohet nga i ngarkuari i Rektorit ose Dekanët e Fakulteteve, nga secili Universitet. Kjo Marrëveshje Bashkëpunimi nuk ka implikime financiare nga cilado palë, megjithatë marrëveshjet specifike dhe eventuale financiare për aktivitete të veçanta do të përcaktohen paraprakisht, nëse ka raste të tilla.

Neni 4 **Ndryshimi dhe plotësimi i bashkëpunimit**

Kjo Marrëveshje Bashkëpunimi është dokument bazë për ndryshimet dhe plotësimet e saj si dhe për marrëveshjet tjera të veçanta të arritura ndërmjet palëve.

Ndryshimet dhe plotësimet e mëvonshme si dhe marrëveshjet e veçanta bëhen në mënyrën si në vijim:

- Mosmarrëveshjet eventuale palët do të përpilen që t'i tejkalojnë me mirëkuptim;
- Ndryshimet ose plotësimet e Marrëveshjes do të janë efektive pas pajtueshmërisë së palëve dhe nënshkrimit të tyre;
- Marrëveshjet e mëtutjeshme lidhur me ndonjë organizim të veçantë, me të drejta dhe detyrime reciproke ndërmjet palëve, nuk do të janë efektive përderisa nuk përpilohen dhe nënshkruhen nga përfaqësuesit e autorizuar të të dyja palëve;

Marrëveshja mund të prishet nëse palët e argumentojnë se e njëjtë nuk mund të funksionojë sipas frysë së saj;

Neni 5
Kohëzgjatja dhe efektet juridike

Kjo Marrëveshje është e vlefshme për një periudhë 4 (katër) vjeçare nga data e nënshkrimit. Ajo rinovohet automatisht në mënyrë të heshtur, kur të dy Universitetet janë dakord për këtë. Nëse njëri prej Universiteteve kërkon të zgjidhë këtë marrëveshje duhet të njoftojë me shkrim jo më pak se 60 (gjashtëdhjetë) ditë përpara.

Mosrinovimi i kësaj Marrëveshje bëhet nëpërmjet komunikimit zyrtar nga Universiteti i interesuar të paktën 3 (tre) muaj përpara përfundimit të saj.

Neni 6
Standartet

Të dyja palët janë të obliguara të përbushin këtë Marrëveshje me ndershmëri (integritet) të lartë dhe standarde profesionale, etike dhe kompetencë.

Neni 7
Gjuha e kontratës

Kjo Marrëveshje do të përpilohet në gjuhën Shqipe.


Neni 8
Mospajtimet

Të gjitha mospajtimet ndërmjet palëve zgjidhen me mirëkuptim ndërmjet tyre.

Neni 9
Hyrja në fuqi

Palët do të fillojnë zbatimin e këtij bashkëpunimi menjëherë pas nënshkrimit të kësaj Marrëveshje.

Kjo Marrëveshje hartohet në 4 (katër) kopje në gjuhën Shqipe dhe pasi lexohet, firmoset nga Rektorët përkatës.

PËR: UNIVERSITETIN “KADRI ZEKA” GJILAN:		PËR: UNIVERSITETIN E ELBASANIT “ALEKSANDËR XHUVANI”:	
Emri:	Z. Bajram KOSUMI	Emri:	Z. Skënder TOPI
Pozita:	Rektor	Pozita:	Rektor
Nënshkrimi/Vula:		Nënshkrimi/Vula:	 
Data/ Vendi:	10 Dhjetor 2019, Elbasan	Data/ Vendi:	10 Dhjetor 2019, Elbasan

UNIVERSITETI I GJILANIT UNIVERSITY OF GJILAN			
Prindar	15.12.2019		
Numri	Shtypja	Vlera	
01	2680		